



Reglement deilname leedjesfestival Vastelaovesvereniging De Wien 2024-2025

1 Algemein.

1.1 Idder jaor zal Vastelaovesvereniging “De Wien” (heejnao: De Wien) tiedig oetnuuëdige veur ‘t schrieve van ‘n leedje met daobeej de sloetingsdatum veur inzending , en beej wae de inzending mót waere ingeleverd.

1.2 Belangrieke data:

- | | |
|---|------------------------------------|
| - Donderdaag 1 augustus 2024, 23.59 oor | Sloeting inzendinge |
| - Donderdaag 15 augustus 2024 | Arrangemente klaor en beej artiste |
| - Zondaag 1 september 2024 | Arrangemente definitief |
| - Donderdaag 12 september 2024 | Rippetisie aovend |
| - Donderdaag 19 september 2024 | Rippetisie aovend |
| - Donderdaag 26 september 2024, 19.30 oor | Evt. Veurselektie |
| - Vriedaag 11 oktoëber, 19.30 oor | Generale repetitie |
| - Zaoterdaag 12 oktoëber 2024 | Wiener Leedjes Festival |
| - Maondaag 21 oktoëber 2024 | Studio opnames |

1.3 Alle inzenders kriege informasie euver de repetisie aovende.

1.4 De leedjes mótte origineel zien van teks en meziek en meuge neet ierder of tegeliekertied aan ein of andere competitie hebbe meigedaon.

1.5 “De Wien” behelt ‘t rech um ‘n leedje te diskwalificere as op welke meneer dan ouk blik det neet aan punt 1.4 is voldaan.

1.6 Eine tekstdichter(es) en/of componis(te) meug onbeperk indene.
De zenger, zangeres of groep meug maximaal 3 leedjes zinge.
Eine groep meug max. oèt 6 persoeëne bestaon.

1.7 Leedjes meuge allein maar ónder eige naam van tekstdichter en componis waere ingedeend.

1.8 Tekste deene te waere geschreve in 't Venloos dialek. Weej sloëte heej aan beej de Veldeke spelling. As tekste of deile heejvan neet voldoon, zal de inzender(s) heejvan in kinnes waere gesteld. De teksschriever wuurt asnog in de gelaegenheid gebrach zien teks aan te passe;



- 1.9 Ein leedje det gekaoze wuurt um door te gaon nao 't Leedjesfestival meug neet miër tekstueel of qua melodie gewiézig waere. De inzending as zoëdanig is bindend in 't gehiële vervolgtrajek.
- 1.10 De deilnemer(s) mótte op 't leedjesfestival, min. de laeftied van 16 jaor hebbe .
- 1.11 De organisatie kin n.a.v. ein hoeëg aantal inschrievinge, besloete um ein veurselektie te halde.

2 Inlevere van de leedjes.

- 2.1 Aanmelde kin d.m.v. ein mail nao de joekskemissie van de Wien (joeks@dewien.nl). Dan waere same met de arrangeur vaerdere afspraake gemak n.a.v. waat nuëdig is: hölp beej teks, compositie, of allein ein arrangement. vv De Wien faciliteert gen ondersteuning beej ('t liére van) de zang.
- 2.2 De lingte van 't leedje meug maximaal 4 minute zien.
- 2.3 Veur 15 augustus 2024 zien alle arrangemente klaor en beej de artiste. Nao 1 september kin d'r niks miër aangepas waere.

3 Veurselectie

- 3.1 Indeen nuudig zal Vastelaovesvereniging de wien besloete um ein veurselektie te halde.
- 3.2 Veuraafgaond aan de veurseleksie zal op eine door De Wien vasgestelde datum eine repetisieaovund belag waere;
- 3.3 Toegang tot de veurseleksie hebbe tekstdichter(s), komponis(te) en oétveurende die veurkômme op de liés van name beej de ingestuurde leedjes
- 3.4 De volgorde van de leedjes op de veurselektie zal door De wien waere bepaold. Discussie heejeuver is neet meugelik;
- 3.5 Oet alle ingedeende leedjes waere de leedjes die daorgaon nao 't Leedjesfestival gekaoze door 'n stungerechtigde vakjury. Dees jury is daor Vastelaovesvereniging de Wien samegesteld;
- 3.6 Nao d'n oetslaag zal door loeting de volgorde van optraeje op 't Leedjesfestival waere vasgesteld, waobeej De Wien zich 't rech veurbeheld um de volgorde te verandere, as dit 'n baeter verloup van 't leedjesfestival tot gevolg zal hebbe.



4 't Leedjesfestival.

- 4.1 't Leedjesfestival zal plaatsvinde op 12 oktober 2024 in Domani op ein door "De Wien" nader te bepaole tiedstip.
- 4.2 Zoë dök as "De Wien" dit nuuëdig ach zal d'r ein rippetisie veuraafgaon aan 't leedjesfestival.
- 4.3 De leedjes zulle in 2 róndes waere geprissenteed; de iérste kiér gans, de twiéde kiér in verkorte versie, of in een medley van refreins.
- 4.4 De prissentatie deent d'r op gerich te zien, det door veurdrach van teks en meziek ein carnevallistisch leedje wuurt gebrach. Beïnvloeding van zjurie en/of publiek door middel van o.a. kleiding, attribute of in welke vorm dan ouk is neet toegestaon.
- 4.5 Nao aafloop van de twieëde rónde, zulle de winnende leedjes bekind waere gemak.
- 4.6 De winnende leedjes waere opgenaome in ein door de Wien vasgelagde Studio en via internet digitaal beschikbaar gesteld.
- 4.7 De eindstand zal bepaold waere op basis van de keuze van ein vakzjurie in kombinasie met de keuze van ein schriévers/komponiste zjurie in kombinasie met de keuze van de zaal.
Beej geliek eindige, is de stum van de vaksjurie bepaolend.
- 4.8 Beej de zjuries is neet bekind wae de schriéver/komponis van 't leedje is.
In 't kader van ein ierlikke oétslaag wuurd d'r dan auk aafgeraoije um de name van de schriévers/komponiste van de leedjes te vermelde op social media veur det d'n oétslaag bekind is.

5 Puntetelling.

- 5.1 Alle leedjes waere gewaardeerd.
 - 'T beste leedje krieg zoeëvuuël punte, as det d'r deilnemende leedjes aan 't leedjesfestival zien. (Vermenigvuldigd met percentages zjuries)
 - 'T twieëds beste, ein punt minder enz.
 - Idder ciefer kin maar ein kier gegaeve waere.
 - Twieë gelieke ciefers op ein stumbiljet mak dit óngeldig.
 - De vakzjurie haet 40 % van de stumme.
 - De schriévers/komponiste zjury haet 40 % van de stumme
 - De zaalzjurie haet 20 % van de stumme.
 - Idder vakzjurielid bringk ónaafhankelik zien stum oet.



6 Verplichtinge van de winnende leedjes.

6.1 Alle winnaars van 't leedjesfestival verplichte zich um alle door De Wien" georganiseerde evenemente van 't betreffende vastelaovesseizoen te zulle opluustere, veur zoeëvaer De Wien det nuuëdig ach. Promotie van de leedjes huurt heej ouk beej.

Data van de evenemente van De Wien die reeds vasstaon.

Aaftreeje met Joeks	Zaoterdaag 30 november 2024
Prinsegala	Zaoterdaag 25 jannewari 2025
D'n Joeks-tam-tam	Vriedaag 31 jannewari 2025
Jeugresepsie	Vriedaag 7 fibberwari 2025
Groeëte resepsie	Zondaag 9 fibberwari 2025
Pronkzitting	Vriedaag 21 fibberwari 2025
Muts aafzette	Vriedaag 28 fibberwari 2025
Muts aafzette jeugtrio	Zondaag 2 maart 2025

6.2 Alle winnaars verplichte zich um aanwezig te zien beej de opnames in de Studio op de door de Wien aangegaeve datum. Per leedje is d'r anderhalf oor studio-tiéd gereserveerd. Extra zengers of andere persoëne (bijv ein achtergrondkoër) meuge allein mei de studio in naodet De Wien heejveur naodröckelik toestumming haet gegaeve.

6.3 Alle winnaars vervölle in de prissentatie ein representatieve rol veur de vereininging.

6.4 Alle winnaars dene, beej 't ten gehuure bringe van eur winnend leedje beej optraejes boete De Wien" heejvan de betreffende verantwoordelike op de huuëgte te stelle.

6.5 Alle winnaars waere verplich, as zeej det nog neet zien, lid te waere veur minimaal ein jaor.

6.6 Artiste die neet hebbe gewónne hebbe de meugelikheid um zelf eur leedje op te neme in ein studio, of op te treeje met de meziékband van De Wien. Heejveur wuurd dan ein vergoeding gevraog aan de artist van 75 euro veur 't euverkaupe van de rechte van 't arrangement.

6.7 De Wien helt zich 't rech veur um de winnende leedjes zelf of door ein aangeweze derde te laote registrere beej BUMA/STEMRA. Dit impliceert det verwach wuurd det de artieste, componis of teksschriëver dit zelf neet doen. De Wien verkrieg heejdoor de rechte van alle winnende leedjes.

6.8 Door inzending van ein leedje, en deilneming aan 't Leedjesfestival, gaon de deilnemers akkoord met de veurwaardes, gesteld in dit reglement

Vastelaovesvereininging De Wien beheld 't rech um tussetiedse wiezinginge aan te bringe

Vastelaovesvereininging De Wien wins iddere deilnemer ein succesvolle leedjesaovend !!!!!!!!!!!!!

